

Štóž ma kožuch, derje traje,
 Štóž jón nima, zymu znaje —
 Moje truny zapraja,
 Wy žno wěsće, čeho dla.

Je klós léce napłodziło,
 Kryja polo zornjatka:
 Je wšo horjo zalećilo,
 Syty ptačik njespěwa.

Dyrdom dyrdom, dyrdomdejka,
 Šwarny kus wam zapiskam,
 Za polak je moja rejka,
 Hišće pódla zaspěwam;
 Khlěb a pjenjez derje přaha,
 Štóž jej' nima, slabje ćaha —
 Moje truny zapraja,
 Njezapomńće huslerja!

15. Spěw při młóćenju.

Klip, klap, klip! w bróžni
 Zaklinči na huni —
 Zornješko radne
 Wuskoči, wuleći:
 Burik so směje na łubi.

Klip, klap, klip! klinča
 Cypički na huni —
 To su te zwony
 Khlěbowe, kermušne:
 Směje so młynk a wjeseli.